



Rabu, 29 Juni 2022
Ogen: 1 Johanes 3:17



"Nehken Kekelengen"



Adi ercakup kerna keleng ate, secara otomatis biasana rusuren kita ngkelengi jelma si nggo sitandai asangkan lenga sitandai. Engkai maka bage? Sebab biasana adi kita ngkelengi kalak si nggo sitandai sidatken me ulih kekelengen e i bas ia ngkelengi kita mulihi. Tapi, adi kita ngkelengi kalak si la sitandai emaka keleng ate pe lenga bo banci secara maksimal sicihdaken bana. Sendah kita iajari guna nehken kekelengen. Siap nge kita nehken kekelengenta e?

Bahan renungenta sendah mabai kita nehken keleng ate man seninanta. Enda me si jadi tanda kita pe ngkelengi Bapanta i surga, sebab keleng ate e rehna arah IA nari. Piga-piga kinata kegeluhen ncidahkan man banta uga melala denga kita la siangkan ras seninanta. Sierbanca keleng ate e ngadi ije. Mpeturah keleng ate man seninanta mabai kita pe ngasup ngkelengi jelma sideban.

Mari kentisik siendeken KEE No,281 : 1 saja :

*Kek'lengen Yesus kempak manusia
Desken Dibata engkelengi ia
KekelengenNa maler kap man banta
Adi sipakelah pedahNa
Min sikeleng-kelengen kita k'rina
Bagi pedahken Yesus bas Pustaka
Sababna kai sipindo bas gelarNa
I'bre Dibata man banta*

Ende-endenta enda jadi sada perwakilan isi pusuhta i bas kita ngasup engkelengi seninanta bagepe jelma sideban guna tetap ngusi Yesus si dem alu keleng ate si la pernah milih-milih nehken kekelengen man jelma sinterem. Mari usihlah e bas kegeluhenta. Tuhu kel, keleng ate e nasapken si la bagi ukur, kiniguluten ukur, ras kerina biak-biak la siangkan saph-saph nggeluh ersenina.